

Ombudsmeni BiH pokrer

Učinjeno je to po službenoj dužnosti nakon teksta u Oslobođenju "Otpisani ljudski životi", u kojem se govori o bezizlaznoj situaciji u kojoj se nalaze oboljeli od opake bolesti

Dan nakon što smo objavili radosnu vijest za oboljele od metastatskog melanoma, da postoji mogućnost njihovog liječenja revers-terapijom, odnosno da bi 14 registrovanih pacijenata u Federaciji BiH moglo dobiti inovativne lijekove od farmaceutske kuće i prije nego što se završi složena tenderska procedura, juče stiže nova vijest.

Zajednička odluka

Ombudsmeni BiH su, na osnovu teksta u Oslobođenju od 8. januara ove godine pod nazivom "Otpisani ljudski životi", odlučili pokrenuti po službenoj dužnosti pred-

met "u vezi s pravom na zdravstvenu zaštitu i mogućnosti liječenja pacijenata sa metastatskim melanomom".

Tim povodom su zatražili izjašnjenje federalnog Ministarstva zdravstva i Zavoda zdravstvenog osiguranja i reosiguranja FBiH o aktivnostima poduzetim s ciljem poboljšanja kvaliteta zdravstvene zaštite pacijenata oboljelih od ove bolesti, koja se u Federaciji BiH vrši konvencionalnim citostaticima sa liste, imunoterapijom i radioterapijom. To, nažalost, kako je više puta istakla dr. onkologinja Maja Banjin, ne daje ni pro-

mil šanse za preživljavanje, a kamoli za izlječenje.

Nives Jukić, jedan od tri ombudsmena BiH, objašnjava nam da je pomenuti tekst bio ključan za njihovu reakciju.

"Nažalost, svi mi imamo i osobnih razloga da budemo osjetljivi na

Svi imamo i osobnih razloga da budemo osjetljivi na ovu temu. Bolest ne bira, ističe Jukić

Novi predmet o melanomu



Nives Jukić: Novi lijekovi umjesto zastarjele terapije

Pacijenti u Federaciji još čekaju inovativne lijekove i pitanje je koliko njih će ih dočekati

ovu temu. Bolest ne bira i zaista je neshvatljivo da oboljeli u Federaciji ne mogu dobivati lijekove koji sigurno pružaju šansu za duži i kvalitetniji život. Zajednička je odluka svih nas ombudsmena bila da se ovdje moraju postaviti brojna pitanja koja se, u hiti, svode na isto: zašto našim pacijentima nisu dostupni novi lijekovi nego zastarjela terapija", objašnjava ombudsman Nives Jukić.

Danas će, povodom obavijesti ombudsmena o pokrenutom predmetu, biti održan sastanak Udruženja oboljelih od metastatskog me-

lanoma FBiH, čiji je predsjednik dr. Fikret Operta bio prijatno iznenađen ovom aktivnošću Institucije ombudsmena BiH.

Mijenjamo stvarnost

"I ovaj slučaj za nas pokazuje koliko mediji mogu mijenjati našu stvarnost nabolje, pogotovo ako postoji društveno korisno partnerstvo na javnoj sceni. Svi mi znamo da Ombudsmeni za ljudska prava ne mogu nikome ništa narediti, ali nije prijatno naći se na listi njihovog interesovanja", ističe dr. Operta, svjestan da su se od objavljivanja teksta i od reakcije ombudsmena, dogodile pozitivne promjene u ovoj priči o melanomu.

"Bez obzira na to, činjenice su i dalje bolne: pacijenti u Federaciji još se samo nadaju inovativnim lijekovima i pitanje je ko će ih živ dočekati", kaže dr. Operta.

EDINA KAMENICA